

白鶴山房註鈔



832769

敘一

詩必宗唐唐詩之可尙在雅馴含著後世能嗣響者惟有明一代顧自錢東澗之論出而李何王李之詩舉世皆翫覆之以竹垞之知詩新城嘗寓書勸其平反二李竹垞不從也歸愚氏持擇雖正然別裁所登隘不足以張諸子之幟自隨園派出明詩愈無問津者惟桐城劉海峯姚姬傳暨吾家海門三先生論詩必以唐明二代爲標準吾欽澹泉吳先生得詩法於海峯桂星久從之遊知其說之不可易然述以語人人輒目笑之惟桐城王姓園灼朱歌堂雅同里吳鶴舫焜持論與予同嗟乎習俗之移人而瑰才卓識之不多邁有如是夫歸安葉君仁甫以翰林觀察清河余耳其詩名久矣一日出白鶴山房詩見示春容和雅大率皆唐音也余已灑然異之讀至仿遺山論詩絕句崇李何之正軌黜虞山之邪說不覺躍起三百以爲吾四十年同調得君而四矣乃知正聲不絕於天壤必有人出而振之余益喜其德之不孤而用以自壯微特爲李何諸子幸實深爲詩教幸也觀察督余敘遂書此爲贈時

嘉慶庚辰夏孟欽鮑桂星拜敘

敘二

余友葉仁甫工爲詩余於壬申歲旣嘗敘其少作矣時仁甫詩固未盡刊也及官清河道擢都轉乃次第付諸梓而屬余復爲之敘蓋仁甫與余同以戊子生同舉京兆同成進士官翰林二十餘年以文字相切劘雖中間官異地不少間其意氣之合不獨以婚姻之誼也今之屬以序者蓋欲余言其所得余少雖好爲詩然實未有所得雖與仁甫唱和嘗自媿其工弗如也茲何足以言仁甫乎然世之知余者往往先稱其詩余嘗笑名之所在非實之所在世事固類有然也夫古人以詩言志而不必存其名今人以詩成名而固可以考其志詩三百篇自周公召公衛武公尹吉甫外其餘感歎傷喟之作大抵皆人之代言非必其所自爲顧欲考其作者之名氏類不可得古人之不重名也如是今人之於文辭其所業也有志者又往往因文以見道故自宋以來凡以集垂世者其人之志行存其中其一時之典章政令亦見於其中然則舍虛車之飾而以核考業之功夫論詩者豈非以友輔仁之一事哉仁甫官中外皆勤於其職業而志嘗奮然有所爲其爲都轉也矚然自處而欲振刷衰敝俾國家實受府海之益其他日名位所至後之論詩者宜可隨時以考其志也余昔所作序斤斤致辨於格調間以明仁甫所得踰於流俗者不足以盡仁甫矣

道光二年歲在壬午秋九月新城陳用光敘

敘三

余少侍先大父學爲詩問當世士大夫工於詩者亟稱先生歲壬午初夏謁先生於津門官署薄游洛下重聲價於符融解誦郊居獲賞心於沈約示以白鶴山房詩十二卷命申嘉敘之竊惟先生挺秀浙西傳家通德生稟奇慧能讀異書以博聞彊識爲務以尊師取友爲急由是浚水經生任城逸士史才如班馬詞翰如淵雲得先生一詩靡不翕然稱許愧謝弗及重以承誥鯉庭取資雁列羊祜之兄少有重名王筠之家人各有集和平觀感抑又深已溯自先生供職翰林纂脩

國史侍宴長楊之道珥筆承明之宮維時應奉之作發雕龍於綈槩也則且握手金門之彥聯瓊蘭臺之英相與含宮咀商逞才角辨應劉公讌之什鮑謝酬答之篇日月旣多時有所積及

白鶴山房詩序

三

乎視學閩海觀察清河從軍澶淵權權津淀積數十年之久雖復官書墳委車馬倥偬未嘗一日廢詩如鑠斯隨如鷄斯比宜乎詩之工而且富也適客有過余者謂余曰先生之詩卓矣第以今之工詩者未易更僕數爭將頡頏作者之室詠歌先王之風亦有勝於是詩者乎余曰今之爲詩者其失有八而先生無一焉其或鑠於外用窳於內含懸磬之室設食太牢環堵之宮媿崇廣殿時無寶貺飾美莖毳寵非枝輔希耀茅箱江淹花管忽告盡於奇才李陵空卷終見阨於強敵此一失也先生年逾服官猶下董生之帷仕至監司尙發蘇季之篋以是文章之美無非經籍之腴又或騁力長肥不事繩尺買菜求益市瓜取大泛跖弛千里之駕恐傷於顛仆積紅腐千石之粟無補於朝飢是以然膏十鑊不及一星之明擁絮數重不及一裘之暖此一

失也先生緒清藻密氣暇詞警悉合度於脩短曾無貴乎浮尤  
亦有孔珪好奇朱育尚怪文奇於六合氣偏於五行臚疏一角  
終非獸瑞鵲鷓三首是爲鳥妖廣眉半額則施旦爲媼一臂如  
股則扁倉失色此一失也先生數寫景物不尙詭異懸夷則之  
鏡而鬼神避席吹黍谷之律而祥和畢呈又有恥隨畦町獨闢  
塗徑掉臂藕絲之孔截腸蠻觸之角鳥道九折比於康莊奎蹏  
一涔自謂安室究之尋樞條墜綠枕易傾曲珠見虬蟬之巧偏  
師非鵝鸛之陣此一失也先生直舒性情不趨險奧如見桀桀  
之安車駟馬叔子之綏帶輕裘焉他如齟壺瑣言戾岡隱語艱  
於索解失在噍駮宋玉好色陶令閑情暱語勿莊失在狎褻遇  
非靈均狂歌可哂才慙賈誼痛哭不情是慕古不度時之失也  
效西子之擲學邯鄲之步虎賁有形貌之似芻靈無知覺之運

白鶴山房詩序

四

是泥古不變通之失也先生真積力久洗伐殆盡故能絕塵績  
藻之府雄視風雅之場質之往哲而無疑傳之千秋而無憾凡  
此者皆先大父平昔舉以詔嘉而卽先大父所以亟稱先生者  
也客曰聞吾子言亦知先生之詩之工顧或以先生之詩以唐  
爲宗而微入於宋其說信乎余曰昔歐冶之造劍也采赤堇之  
錫出若耶之銅其成也不復能辨其錫與銅也公輸之刻鳳也  
見其身者謂之龍鵠見其首者謂之鶴羈而不知翠冠朱距非  
擬議之可及也先生之詩自三百篇以迄我

朝資之深而學之博不拘拘於一格沾沾於一家獨成其爲先  
生之詩亦猶歐冶鑄金於一器公輸集巧於一禽奚必唐宋亦  
何必不唐宋哉縱目覆幬之大始足以論韶揚舫滌瀚之流迺  
足以測海客曰微子言無以開鄙人之惑願終身事之客旣退

敬書所論列者跋於先生詩集之後  
道光二年季秋之月陽湖趙申嘉謹敘

白鶴山房詩鈔序

五

白鶴山房詩鈔自敘

余幼承先大夫訓學爲詩先大夫授以漢魏六朝及唐宋元明諸大家名家詩口講指畫一以雄深雅健爲宗不事險怪綺靡小子謹志之勿敢忘洎長而僑寓東吳獲從西莊竹汀述庵諸先生游三先生者言詩皆與先大夫合自是積有所作固未敢以問世也暨官翰林提舉閩南學校諸生知余好言詩則皆求觀余詩以爲程式於是稍取舊藁刪削擇其完善者剞劂之以與諸生相切劘迨辛未春還

朝修史之暇與同館諸君子結詩社酬唱之作尤夥而蘇齋老人每見必索詩自癸酉從戎魏博飛書草檄無少休旋銜

命分巡燕趙兼權藩臬事百重堆案不復親吟詠矣辛巳秋蒙恩司鹺於津職事稍閒視篋衍中手藁累數百紙慮其散佚乃

白鶴山房詩鈔

復編次前後諸作都爲一集明知折楊皇荂無當大雅而當年所受之庭訓及聞之諸先生者點勘之跡猶存不敢付之泯沒且數十年蹤跡所閱歷山川雲物人事合離之概具見於詩雪泥鴻爪亦聊以資考信云時

道光二年歲在元黓敦牂九月旣望筠潭居士葉紹本自識於長蘆鹺署之小玲瓏山館

白鶴山房詩鈔題詞

嘉定錢大昕

石林家世總能詩喜見翩翩玉樹枝  
秀水鹽官前輩盡風流會  
有代興時

幾度秋風落木初好詩太息抱山居  
客兒自信能成佛一霎升  
天莫羨渠

海寧祝德麟

競爽名俱美甥乎張一軍經從韋幔授  
詩自鯉庭聞緒業原非  
淺才華迴軼羣前賢不可作片席許人分

追風神驥力蔽日豫章材袖裏一編出  
蒼然萬象來王維謂夢樓  
既宏獎錢起竹亦交推虎帥誰能犯繁枝  
自剪裁

德清蔡之定

白鶴山房題詞

椿樹參差繞院深好風吹送北窗陰  
攜將白鶴山房集清簞疎  
簾細細吟

名父賢兄世共知君材況是出藍姿  
石渠閣畔持椽筆更注金  
壺洩藻思

長白英和

白板屏前一棹開烟波漁釣影徘徊  
吳淞雲樹茗溪月都入生  
花筆底來

幽并延攬甲科登屢變詩臻最上乘  
我學書還與君異一生低  
首趙吳興

閩嶠輜軒許采風文昌光氣亘如虹  
須知碧海鯨魚句尚在樊  
南乙集中

武進趙懷玉



壻鄉風月費評衡  
茗嘗詩人得氣清  
莫道文章憎命達  
才名原不礙科名

兩重同譜十年思  
余與兩哲兄君與族弟任之先後齊年  
別太恩恩見太遲  
我倦趨塵君發軔  
幾時剪燭更論詩

東鄉吳嵩梁

萬古靈山險鑿開  
雲根裂處有風雷  
怪君詩骨凌秋健  
曾到黃龍洞裏來

瀑布千尋化白虹  
蓮花絕頂與天通  
煙雲變滅無窮妙  
只在清空世界中

吳山積翠浙江潮  
落筆千山與動搖  
卻愛東莊谿夢冷  
青楓樹下水平橋

露華如雨樹成煙  
萬頃蘆花一釣船  
鶯脰湖邊佳句出  
舊游根

白鶴山房詩鈔題詞

二

觸十三年

用集中題東坡集後韻

臨汾郭汝驄

五嶽羅胸起鬱裊  
龍威奇字識來多  
髯蘇又譜江東去  
應配銅絃鐵板歌

大筆如椽縱復橫  
奇花都向夢中生  
他年壇坫誰堪繼  
好把顏回一鑄成

卿月當空玉鏡懸  
文光四射衆星躔  
從知浣手銀河裏  
倒映峽源灑百川

白鶴山房詩鈔目錄

歸安葉紹本仁甫

卷一

古今體詩六十三首

卷二

古今體詩八十一首

卷三

古今體詩八十首

卷四

古今體詩八十六首

卷五

古今體詩一百三首

白鶴山房詩鈔目錄

卷六

古今體詩五十六首

卷七

古今體詩四十九首

卷八

古今體詩三十六首

卷九

古今體詩一百首

卷十

古今體詩九十四首

卷十一

古今體詩五十九首

卷十二

古今體詩七十三首

卷十三

古今體詩八十首

卷十四

古今體詩六十一首

白鶴山房詩鈔目錄終

白鶴山房詩鈔目錄

白鶴山房詩鈔卷一

古今體詩六十三首

津門道中

恒衛經流注海門，析津上應指天根。  
萬家燈火蒲魚市，千頃陂塘稻蟹村。  
隱岸牙檣新粟漕，連營鐵甲舊軍屯。  
神都左輔稱雄勝，快我輕橈破浪渾。

衛河

晴波流向北，征棹故逶遲。  
岸遠識潮落，帆迴疑樹移。  
白沙堤上路，翠柏水邊祠。  
秋意寒原盡，蒼茫畫角悲。

臨清道中九日

千里清渠一線通，行人解纜背霜風。  
嶧山岱野幾層碧，柿葉棗

白鶴山房詩鈔卷一

林相映紅堤作，弓形迴上下帆飛之字誤西東客中辜負茱萸  
節魯酒憑燒塊磊空

放插歌

汶之水出萊山中，汎流一脈懸晴虹。  
建瓴高屋勢莫遏，奔駛直與清淮通。  
一從轉粟漕河洪，引渠置插勤考工。  
涼秋雨霽演潦集，上流趨注歸清潔。  
水門當前陡截斷，有若持勁彎強弓。  
連朝空湧勢逾怒，一瀉遂欲穿龍頰。  
雪濤爭起凌寒空，翻然尺水生窟窿。  
猛士突圍死戰決，銀矛雪刃紛交鋒。  
百萬鐵騎來奔驟，聲琤琮碎訇天鼓。  
喧鈴火馳豐隆囂，吟鯨吼怒相軋歛。  
忽鼎沸天吳宮，盤渦勢更圻地底。  
飛流濺沫噴玲瓏，九龍爭擲萬斛珠。  
雪海騰湧翻陰風，我昔登龍門赤鯉躍出波。  
喧洶我昔經匡廬，玉峽壁破飛白龍。  
不圖平地乃有此激行，搏躍爭天功自來濟州。

歸安葉紹本仁甫

李

不

已半月日日候牖眠烏篷忽聞邪許聲如鳥插羽離筵籠舟師  
亦貪利涉速掉舞一葉如飛蓬乘風破浪亦何畏稍喜快意捐  
煩忡是時霜氣吹丹楓蘆花兩岸號征鴻維舟更就斷岸宿沙  
頭津鼓猶萼萼笑呼一醉村酒紅忽然飛夢錢江東海門羅刹  
潮頭雄江妃宓女顧我笑素車白馬紛馳從醒來但覺乾端坤  
倪蕩滈生心胸

清口謁惠濟祠

雲濤浩渺峙琳宮終古安流奠海東碧殿杳恩明曉日翠帷環  
珮護靈風清都玉女留奇並赤水瑤姬佐治同向晚傳芭簫鼓  
散檣烏飛繞落霞紅

泛舟出城北

雨餘天影映湖明如鏡澄波打棹輕雜樹低藏數家小亂雲時  
放一峰晴燕過春社齊營壘人對滄浪欲濯纓回首塵襟應盡  
浣煙江吾已諾鷗盟

法華寺用東坡韻

青山突起玻璃界東走層崖壘千派忽驚古刹瞰蒼茫縱目煙  
霞恣酣快披榛迂折見幽徑夾道松風奏砢砢潤泉曲屈注庭  
宇石磴峻欲窮險隘危樓際天白雲抱斷碑臥地蒼苔壞穿巖  
老樹漸欲青格磔時來山鳥怪雲深谷暗不知暮惟見丹岑殘  
日曠道人掃徑出迎客爲汲溪流煮葵菹穆然相對太古顏齒  
冷人間鬪機械好山如此可終隱何苦淨榮著膚疥羨殺歸途  
兩樵叟谿藤刷盡閒長鋤幾時便與結茅庵一了此生登覽債

梅花

凍蛟蟠屈榦槎枒萬古霜中自作花數點默窺天地始半林長

傍雪雲斜蟾輝孤映笛三弄鶴夢同清水一涯聞道溪西看最  
勝拏舟試拗玉丫叉

茗溪曉發

拏音下晴川春氣正晡藹流雲澹前渚朝暎半明晦層瀾迤邐  
來和風與之會縠紋碎琉璃綠淨不可繪谿迴櫂容與洲轉帆  
向背極望蒼翠齊草樹鬱煙靄人與鷗鷺侶興出蒼茫外流覽  
愜素心浩歌激清籟甫里風豈遙谷口境宛在何當腰笭箝共  
斫銀絲鱸

得二兄蜀中書卻寄

豔瀕濤穿石壁虛感君巫峽挂帆初清江十月哀猿淚孤棹三  
巴故國書入蜀杜陵多嘯咏離家王粲少恒居遙知吟到蓬婆  
雪還向飛雲憶舊廬

白鶴山房詩卷一

三

吳中懷古

採藥遺封轉富強天教霸氣盛東方水犀初解三千甲彩鷁旋  
牽百萬檣終古寒流怨烏喙當年飛血灑魚腸宮牆幻夢須臾  
事淒絕麋城蔓草荒

剖玉東邊跡已陳故宮猶說舊春申棘門此日難危楚雍時當  
年竟滅秦珠履蹤迷芳草路細腰歌刺繞梁塵干戈羅綺銷沈  
盡空有遺祠賽里人

定錯城蕪舊賜藩書宮博局竟成冤銅山未賜江淮賦玉几依  
然帶礪尊粟腐海陵飛白羽花濃茂苑冷金樽尺衣斗米千秋  
恨太息枚生再上言

長沙奮翮著純忠弱冠提師計夏雄一旅志猶尊闕北三分業  
已創江東橫戈天塹元無敵奉朔當塗負乃公一代英雄總塵

土荒陵自嘯白楊風

桓王墓在盤門外

淮西三矢定吳鄉御酒龍衣事渺茫霸業已枯黃  
菜葉雄名會記白駒場十年胥浦文船接一夜瓊樓劫火忙  
試問興亡尋月表千秋還愧夥頤王

師子林

名園緬仙蹤奇構闢禪界翛然闔闔中乃具林壑概入門無平  
地仄徑走紆怪危巒起咫尺千疊成一簣禪斷嶺忽遙岫轉亭  
已在複道磴盤迴石窟路向背突兀聳九華奧窅藏八卦連峯  
七十二一一峙峭崿仇池非人間武夷疑世外緣壁迷後途穿  
壑阻前隘其右水榭接石梁亘長帶游魚紛可數荇藻淨如繪  
層欄架中泚碧沼漾清派上有千載松裂根石罅內霜皮溜秋  
雨輕濤激鳴籟翠嶼復林立斲綠生古黛應接人力疲刻畫鬼

白鶴山房藏卷

四

工快異哉高士跡天巧恣點綴想其經營時萬象方寸會邇來  
幾廢興攀躋盛流輩蒼苔破扇屨蘿薜接冠蓋寥寥千載心此  
意付煙靄買山願未能覽古一興慨且佳亦復佳竹風靜梵唄

吳江舟中

江城新雨後夾岸野風涼亂澗流春水孤帆下夕陽拂堤紅杏  
豔倚棹紫蘋香遙識松陵路虹橋故故長

唐氏園看牡丹

茂苑鶯啼春欲暮春風一夜城東路名花故向雨餘開不放春  
風竟歸去主人愛花更好客邀我看花置芳醑珠屏斜展錦障  
開照眼花光亂花霧亭亭絳藥暈初日的的檀心泣朝露曉妝  
有淚紫綃溼柘枝無力猩裙妬國香酣酒自多態豔影臨風剛  
一顧五家隊合簇紅裳記得曲江冶游處心驚絕豔目屢拭喚

起春愁渺無緒自來尤物不易觀竟使坐環千姪姪藏將金屋  
洵有情顏我玉山容且住君不見宜春門外平章家紫雲金縷  
爭豪奢香車繡轂竟何往雕闌百寶今泥沙豈如此花媚幽獨  
櫺檻處處烘晴霞銀樽彩筆賞未厭眼前富貴寧須誇况有主  
人堪作主捲簾勝事今重舉一卮好爲酌花玉願把新詩當羯  
鼓

唐昭宗賜錢武肅王鐵券歌

君不見黃腰獸入金光門紛紛列鎮猶蜂屯石鑑山前起妖鳥  
櫂槍東指風煙昏婆留井沸異人出一舉雙戈靖吳越弩強不  
畏子胥潮擾擾董劉何足滅衣錦歸來十四州湖山故里旌旗  
遊英名直到舍元殿夜夜虹光徹斗牛長安天子驚笳鼓金版  
丹書下旁午可憐勳爵苦羈縻枉比燕然五熟釜異姓王眞蓋

世雄虎符龍節鎮江東開門節度計非左還以奇智成精忠五  
王四世承恩重六十年終歸大宋玉冊曾誇海上樓圖書還入  
瓊林貢臨安興廢幾雲煙金字還從漁網傳卻笑韓彭盡菹醢  
刻版做古徒紛然明祖賜功臣券取此爲式我讀遺文心轉惻遐憶煌煌太  
宗業凌煙諸將在朝廷帶礪金湯永無缺豈料黃塵遍四溟天  
章倉卒來鋒鏑吁嗟乎岐王已去梁王來紇干東雀飛難回長  
安九鼎委榛莽不如此券猶保錢江隈鐵券亦有銅駝哀

鶯脰湖

霽雨洗華雲湖光淨練紋暮天遙岫隱秋水亂帆分已醉松陵  
酒猶看弁嶺雲浮家吾有約羨爾白鷗羣

吳江城外

艇子嘔啞日未午楓林葉落碧煙平溼雲過樹不成雨溪水放



田時有聲疎竹陰邊開野寺寒蘆盡處見江城鴟夷舊迹今何在湖上青螺幾點橫

中秋見月放歌時在吳中

今年遇閏秋節早中秋未過涼風高天公欲洗明鏡出先期風雨清煩囂今宵冰輪出較晚初時雲涌猶崩濤須臾一掃積靄散寒光噴射千白毫玉露無聲桂華冷珠箔浮動金波搖炯然一鑑直無際那論瓊島分衡茅太清沈沈渺何許下視人海方喧嘈我來吳中已一月金觥不住塊磊澆一杯邀月共痛飲酒酣決眼還蕭騷十年此夕七易地浮生擾擾真徒勞白衣蒼狗幾明滅搶榆運海空相嘲人世哀樂百事變惟有明月仍今宵乃知古人重炳燭眼前光景慎勿拋移山逐日竟何謂大塊視爾如螻蟻况復繁華盛吳會闔閭舊俗餘矜驕珠簾千家晃銀燭畫船十里鳴瓊簫麋遊虎踞總莫問且辨雙耳聽琅璈伸眉一笑亦非易舉首枉向青天搔乘風會跨海上鯨得意且盡盃中醪浩歌欲起夜過半銀漢右界雞三號

九日吳中漫興二首

商聲已老物華催令節惟應笑口開吳地水寒楓盡落江天霜冷雁初來何人解破牛山涕有酒須傾彭澤杯莫倚高樓窮遠目次寥時序易生哀

蘭蕙初葢水榭虛一編寂寂子雲居地能遠俗花都瘦詩解消愁酒不如木杪驚廳遊子恨燈前涼雨故人疎年來幾負題糕約獨惜流光晚歲餘

楓橋柬朱蔬坪太史 鈔

吳江霜冷泛疎蓬爲訪茗西玉局翁隱几公方注秋水開軒人

似坐春風寒山鐘斷楓千樹老圃香濃菊一叢回首舊遊清興  
在畫船燈火月明中

先生灑落真前輩畱客還烹顧渚茶瀛島春深頻入夢湖山勝  
處盡爲家尊前揮塵情如昨浦口歸鴻興正賒惆悵暮帆催客  
別紛紛黃葉又天涯

登報恩寺塔

高標雄建斗杓旁佳日登臨俯大荒千里山川同漠漠一身湖  
海正茫茫晴空樹色連江表終古鈴聲語夕陽我欲臨風呵畫  
壁排雲直恐近天閭

寄題許竹嶼夫子瑤臺清曉圖和大兄琴柯韻

夢中有夢何從說誰向紅塵聳身出十洲三十六瓊都何處藥  
珠宮第一鹽官夫子冰雪顏道骨謾謾松風寒早攀琪樹來銀

白鶴山房詩鈔卷

七

闕會看瓊花到上闕青霄已許乘雲至更與人間了塵事葛令  
官爲勾漏砂鄭公姓作兒童字吏術仙才到處聞一朝脫屣緝  
蓉蓑池中久貯三華水杖底會挑五嶽雲解組歸來凡幾載游  
蹤仍復耽湖海架廟還聞介叟畱忘年恰值禰衡在把臂重將  
舊話傳白頭逸興尙翩翩壁間忽現華嚴界卷裏新開內景篇  
爲言學道無功績此身原是壺中客石枕非炊旅肆梁玉京曾  
化尙書寫紫闕迢迢三萬重珠屏十二敞天風翠瓊並坐青腰  
女絳節爭迎綠髮翁從茲屢駐雲中旃丹邱知有三生債栩栩  
誰明弔詭緣元元豈礙觀空戒一笑相看九百年索將真面應  
茫然聊憑藝苑添毫筆認取神州住世仙憶昔從公河上浦風  
和絳帳沾春雨緱嶺都慙鶴骨輕浮邱舊識方瞳古幾載離思  
湘水清近傳消息轉心驚萍浮滄海原多幻花落江城倍愴情

搏沙人事拋還散神明誰似先生健壽籙重繙雲笈文冰廚應  
飫胡麻飯仙謠賡罷起長思願結青鞵俟異時請歌用里紫芝  
曲聊當雲華碧落詞

寄二兄紫畦下南宮第作

人生擾擾黑虬蜉眼前得失何時休况復浮名競蠻觸欲捕風  
影茫無由吾兄早年百夫特矯如俊鶴摩清秋凌雲一賦動京  
洛意氣獨出無朋儔公卿爭來訊名字落筆往往往蟠螭虬謂當  
奮翅九萬里玉霄瀛島供遨遊何圖此志屢顛蹶黑貂敝盡蘇  
卿裘自從扁舟返鄉井五湖鮭菜誰爲謀綈袍不改舊范叔斗  
粟誰貸監河侯兄家居屢  
值歲歉前年別我意悽惻翩然忽作岷峩遊  
青蛉關高走夷獠黑江水險通鼈牛連峯障天雪相映君乃磊  
落驅行輶丈夫自有四方志所嗟衣食因人籌今年忽聞單舸

白鶴山房詩卷一

八

返出門驚看淚兩眸爲言捧檄腸已斷但恨素願難爲酬來朝  
解纜竟北去揮手不作平原畱崎嶇何必非天意鹽車要待孫  
陽收豈知宋五又坦率選刷天駟遺驂驪知君著論久齊物詎  
因時命生煩憂獼猴乞兒各無定一笑身世真悠悠嗟余頻年  
困猿臂三拜還爲方干羞邇來浮慮已盡屏祇有蠹冊容爬搜  
紫薇先生亦寂寞謂琴  
柯兄緇帷冷落東海頭分來苜蓿不自飽苦  
說賸疏窮匡劉幼輿邱壑故無恙便從潞水迴輕舟溪頭一竿  
是處好還往歸來正值白蘋花發清波流

七夕

暑雨纔收夕露零獨橫湘簾展銀屏高樓靜入閨人月銀渚寒  
明帝子星遙夜疎砧聞別院微涼落葉在空庭近來身世常安  
拙不用瓜盤奠乞靈

沈寥景物最銷魂，寂寞江關賦小園。  
靈鵲如人棲未穩，候蟲無怨語，偏繁閒情漫譜。  
龍脣奏狂態，空餘憤鼻，禪欲向浮槎問消。  
息幾時清淺，認河源。

### 虎邱燈船行

闔閭城西秋月圓，雲巖寺北秋波連。  
碧天萬里洗明鏡，寒光映徹玻璃煙。  
吳儂好事誇豪舉，畫舫參差盛三五。  
要將華焰鬪金波，珠箔銀缸日重午。  
未晡雲屏翠幕張，螭頭鷓首爭徜徉。  
須臾滿眼耀銀海，晶毬萬點鋪橫塘。  
一色瓊瑤迷兩岸，月影波光爭激灑。  
九華燭轉玉繩低，百子枝連火樹燦。  
恍忽驪龍亦吐珠，水晶世界浸蓬壺。  
瑤池水暖浮銀闕，星海波明種白榆。  
璧月瑤花映夏好，霓裳小隊笙歌繞。  
一聲水調紫霞飛，十里珠簾香霧裊。  
天河影轉月橫參，翠管金疊直到明。  
短簿祠前人影亂，真娘家

### 白鶴山房詩卷一

九

畔桂香清綺羅自昔稱，吳會千古遺風猶不改。  
空傳劍氣溢秋塘，惟見芳塵凝暮靄。  
幾日胥江長夜潮，越來溪畔夏亭榭。  
澄湖萬頃天如水，看駕冰輪上玉霄。  
吳俗以十八日泛月石湖燈船尤甚云

### 和家仲兄自都旋里追和琴柯兄贈行之作

蕭瑟秋光稟此辰，解衣且拂舊緇塵。  
休論旅跡三千里，已自蹉跎十二春。  
同調半非披褐侶，故山原是荷鋤人。  
長安車馬如流水，無地能容嘯傲身。

莫問談經心事違，溪山新製薜蘿衣。  
饑寒驅我貧非病，歲月欺人去豈歸。  
行卷好畱花樣古，挑燈重訝鬢毛稀。  
由來飯顆吟多瘦，相者何因夏舉肥。

### 喜二兄自都中歸用去秋柬大兄韻

把臂潛然語夜分，石畱那復解耕耘。  
最憐朔雪催歸棹，恰喜溪

堂共夕矚南北一  
身人似雁江湖十載事如雲京華歷歷前游在惆悵挑燈話昔聞

年華過去等風煙  
歛見霜林似火然白眼天涯猶故我青天蜀

道又殘年兄歲前將之蜀壯遊且贈秦人策絕業誰傳葦相編剩有豪

吟心轉健箭鋒機緊鬪新篇

題錢粟頤姊壻慎學圃小照

春雨過平臯陌上一畦綠負耒人出門桑陰移屋角

平望

一水分吳越蒼茫遠望餘朱闌通路徇碧樹隱邨墟江市千艘米湖船二寸魚誰能謝塵事卜築此幽居

送二兄之順慶

男兒志四方弧矢利行役一爲名利驅榮悴亦殊轍吾兄豪雋

白鶴山房詩卷一

十

姿天驥不受策自從應弓旌出處轉逼仄燕齊及晉楚所至不暖席謂當何年歸深林息飛翮誰知溪山間不著勞人迹岷峨幾還往瘴嶺輕奔涉空存塊磊胸瘦盡崢嶸骨今君又當往臨別心轉盡車輪本無角牛磨安得歇蕭然理行囊萬里逐估客且復隨人歡歌呼達晨夕一邱幸自足浮名竟何益解維君莫急小住抵雙璧

前年送君行風雨吳門秋今年送君行綠草彌汀洲君行何時止歲月忽已適憶君初別吾實爲菽水謀囑吾各努力庶幾潔珍羞相期數年來素願或可酬胡爲事竟違風木奄不畱吾亦何所成荆璞誰見收相逢一悲咽何以慰松楸君又不少安掣舟出黃牛郵程雖云熟波濤暗西州殊方異塞暄莫賁百結裘郵筒有官醞聊以澆百憂綈袍稍得溫牛衣且歸休明年蘋花

生共作清溪遊

滄浪亭

高亭面蒼陂積水在其陴翛然林莽間空翠來不已入門苔逕滑疎籬捷六枳長人挂健松玉頰豔苦李鴨闌及魚檻一位置美更上東南峰聳然一簣耳怪石來湖龜突兀疊嶂起頗愛修竹林碧影映窗几想見六月涼風露浩如洗別蘚尋螭峽高懷緬長史挂冠神武後息影乃於此寤歌真自適窮愁未應恥吾亦澹蕩人暇則蠟屐齒便思持釣竿濯纓此溪水落日聞疎鐘浩然吾歸矣

春日旅懷

水煖平江北雁鸞飛來蝴蝶又南園雨餘碧蘚侵籬脚水長青蒲出柳根檻外雜花三婦豔隄邊深樹五禽言支頤宴坐渾無

白鶴山房詩卷一

七

事日擁塵編不出門

久雨短述

伏雨闌風鎮日過小園春事竟蹉跎病花欲覓千金獺密樹新頰五斛螺載酒客頻妨蠟屐衝煙人久負漁簑丙丁擬寫祈晴帖鳩語空林奈爾何

東禪寺

閒攜勝侶款禪扉雨後新涼透袷衣門外綠陰啼鳥歇籬邊紅豆舊人非苔龕晝掩鐘聲靜竹逕深圍佛火微欲向瞿曇問塵劫赤烏年代已依稀

寺建于吳赤烏年

返里道中

百里郵籤報水程鷺湖波接碧湖清渡頭風急雨花溼樹裏日穿雲脚明追暑欲陳符六癸辭家早換候三庚權郎認得前溪

路一道荷香直到城

立秋

一葉墜梧楸天涯颯已秋西風團扇怨明月藁砧愁代謝歲時  
速永懷湖海游趨炎寧耐久蠅蚋爾何求

七夕

織月西南上微雲河漢沈雙星兒女意獨客歲時心應候聞秋  
蟀驚寒有露禽茶瓜容小飲移席碧桐陰

短歌行

置酒高臺明星在天拔劍四顧我心茫然一悲風自西吹彼落  
葉今我不樂來者白髮二神鷹夢澤三年不飛翮彼斥鷃嬉游

一枝三曹蜍李志生若泉下持籌鑽核彼何爲者四浮雲從風

舒卷青冥我視富貴若朝露零五金烏華裳九秋之夕僕于此

白鶴山房詩卷

三

時能飲一石六人生嶽碣不必羊腸男兒得意不必侯王七酌

君卮酒壽君千齡盛年無常努力令名八

獨漉篇

獨漉獨漉水深泥濁蛟龍有珠在潛淵我欲攫之不可得耶谿  
雙鉤流光白虹風胡不世出入水化爲龍太行鹽車駮耳悲鳴  
得君一顧致君崑崙天有四時可以迭代人無百身何以千載  
黃鵠矯翼將凌天衢徘徊萬里肯顧雞鳧望天蒼蒼涉水茫茫  
獨立千古我心徬徨

七月十六日遊師林寺作

中吳富梵宇所在崇金繩師林實古剎隔巷鐘聲宏端居困炎  
歎兀如坐炊甑爰偕二三輩步履初地登雙樹覆寺門天矯龍  
蛇騰斜陽晃金碧琳宇何危增合掌禮慈皇珠眉髮鬚瞽瞍

帝釋像黯澹琉璃燈左轉循修廊曲欄宛相扔有叟白氈巾云  
是此寺僧揖我延客人偃僂卑詞承遂造青豆房淨几藤輪凭  
丈室信清涼繡栴重桴檜小池白芙蓉卷簾清無蠅有竹映經  
廚軒楹翠層層殷勤進綠茗更迭敲元冰復起導我游傑閣窺  
繒綾鐵鳳舞翠恩紫鴿翻觚稜循觀目爲恂僧意何驕矜言此  
龍象力昨歲息版緼聚沙成須彌檀施罔弗膺七寶蓮花幢庶  
幾安禪朋余笑不之應嗟彼志良顛追維浮屠法苦行以爲恒  
乞食舍衛城十笏橫雙肱鄙野固其俗虛敘理亦應胡爲入震  
且木妖祇園興珠網皇居疑丹雘侯門勝金地千由旬妄語以  
實徵朝數姪女錢暮致富兒繒惰游蝨其中高座恣詭稱衣食  
固民蠹奢蕩尤宜懲安能冠其顛精廬化溝塍觸目足長吁聊  
借捐鬱蒸夕枕忽已傳霞斂秋天澄拂衣出門去皎月東南升

白鶴山房詩卷一

三

七月二十三日山雨欲降涼風灑然始有秋意

婪尾暑猶劇冷風快乍披物情變搖落天意與推移羃羃雲封  
逕淒淒葉下帷榮華有衰歇秋士不須悲

聞李大

黼庭

罷官還京

短李風流舊絕倫忽聞投劾挂朝紳樽前竟爲添蛇誤塞上誰  
知失馬因餽破不煩回首看囊空真有在官貧哦松果是詩情  
好還向林泉認此身

六年手版潞河隈簿領原難屈驥才捧檄少卿寧得已折腰元  
亮合歸來忍饑尚有明年麩不嫁非無異日媒未可與君論得  
失豐臺花放且銜杯

吳江道中

吳淞八月江水肥片帆欹側凌斜暉雲陰菰蒲風獵獵日落櫂



柳煙霏霏背人白鳥一雙去隔浦烏犍三五歸扣舷濯足儘快  
意局束安可隨韉轡

烏鎮曉發

急漿破殘夢推篷朝日瞰風平喧早渡霧斂見前村野釣寒魚  
小疎林晴鵲翻田家正無事水碓響柴門

舟出震澤

趁曉挈音古渡東寒蘆渺渺接晴空潑洄水占三义路來往帆  
爭八尺風舟人帆風有櫓前八尺櫓後八尺之諺鳥影平看雲在外人煙遙起樹  
當中十年夢與閒鷗孰何日漁蓑借釣翁

前山養

吳興清遠區處處水晶窟誰於巨浸間羣峰作界畫玉湖合溪  
流十里水波碧前山當其涯決漉衆流闊挈音及秋曉萬景暎

白鶴山房詩卷一

十四

澄澈縠紋因風細鏡面開匳潔何年刻蒼崖鎔此溼銀液錯磨  
遙天青渲漾雲影白浮嵐勢飛動石壁翻窅突一片玻璃煙了  
不隔毫髮渺瀰失汀渚隱約望林樾蒼葭離披去時見孤鷗沒  
吾行趁朝霽空明自擊楫波平與水軟此樂豈殊昔神仙懷柔  
苧舊隱迷泊宅欸乃一聲歌放懷塵界窄

歲暮雜詠

細腰鼓急晚風嚴商陸鑪中子細添纔是玉梅花放後小晴殘  
雪尙棲簷

竹屋松窗興

名動五侯

幽居結得遠塵闌剝啄都無到此間忽地開簾蒼靄入城西數  
點夕陽山

山礬萼綻小桃萌已有韶光潑眼迎劇愛江南春事早擔花似錦滿江城

綠浪紅闌一水遙東風偃指盪蘭橈香山詩句分明在元日冰消烏鵲橋

橘齋花燄鬪豪奢班管憑誰紀麗誇幾度中吳驚節物殢人歸思又天涯

除夜守歲作

百年迅風輪已往無畱駕乘除起杪忽寸晷不我借何待星紀周始見年運謝兒童競鼓歌比戶羅酒炙似將一餉歡欲把流光賁一線豈足矜此言聊汝詫吾生已二紀忽忽如傳舍已甘鄧禹笑敢學劉四罵惟將故我身歲歲遲暮迓茲宵輒不寐嘿嘿行自吒修蛇已脫鱗强弩漫持靶卻思十年來何者非閒暇

白鶴山房詩卷一

五

目前不足珍過去盡無價及辰當行樂莫幸一日蜡明年師古人秉燭遊夜夜

白鶴山房詩鈔卷二

歸安葉紹本仁甫

古今體詩八十一首

得二兄蜀中書卻寄

爲君屈指計關河書到俄驚歲月訛消息半年懸夢寐辛勤一

紙話風波

書述江行甚險

羊腸未必人情似蟲臂真如造物何幾度懷

歸轉畱阻故山猿鶴怨還多

頻年奔走蜀江西楚道煙花足感懷負弩未酬司馬志思家空

對杜鵑啼徘徊歧路心原苦感槩中年事漸睽聞道羽書邊外

急隨身長

鉞試提攜

時大兵勦廓爾喀

風雨連宵感夢魂心期異地許同論君如倦鳥思棲樹我似羸

駒困服轅小技最羞工篆刻畸人未合問田園春風只眴歸帆

白鶴山房詩鈔卷二

卽日日江頭自候門

偕同人遊師子林憩飲竟日東主人黃秋葭四十韻

地迴名園古居鄰步履通相逢長日暇幽興數人同杖策緣花  
塢攀蘿徑石叢墜崖蹲伏虎危磴跨晴虹岫轉亭如笠巖迴路  
似衙三峯看尺咫九曲誤西東小有仇池穴飛來鸞嶺宮壁根  
侵蘚紫洞口瀉泉紅樹影交簷合雲光映澗空觀魚循曲檻滄  
茗引連筒階響層層水窗虛面面風竹深吹綠霧柏老貫青銅  
境僻秋先到心涼暑漸融折長松作塵卷翠蓋爲筓相對忘曦  
晷翻疑坐釣篷彈碁捎橘刺移席蔭寒櫻文采徵唐勒高談起  
孟公鄙陽欣譔暴峽水鬪辭雄地主矧殊絕當筵挹素衷汪洋  
懷叔度詩律憶涪翁羣彥歡連袂吾生感轉蓬空浮洞庭水頻  
跨太行驄雲夢吞何有泥塗困屢蒙遊梁徒爾爾入洛太匆匆

扇每元規障琴無鍾子聰羸牛仍踏磨逸翮那離籠自返江湖  
棹稍寬歧路忡放情勤蠟屐泛宅快移舸弁嶺鋤春笋苕溪種  
晚菘夢還捐輓輿只在龍嵒林屋窺金簡丹山遇玉童叱羊  
心尚壯駕鳳志奚從巾屨雖神往邱園枉願豐買山寧有力仰  
屋詎長終何意逢張牧偏教附阿戎肩輿頻往復皴黛許探窮  
奇賞煙霞外神清水石中米顛真欲拜陰賦詎能工觴詠吾儕  
事經營開土功各懷情磊落深惜景朦朧隔寺昏鐘遞侵衣暮  
靄濛衡門相送處新月照疎桐

松江呈祝止堂侍御

先生閒卻鑿坡直來向吳淞聽棹歌萬丈光芒畱彩筆廿年身  
世付漁蓑才名老作湖山主富貴人傳春夢婆千仞鳳翔霄漢  
遍而今穩食五圍禾

白鶴山房詩卷二

塵中那復覩斯人喜近龍門問道頻畫杖試窺重席奧題牋欲  
染九峯春江亭閒恁烏皮几野徑時欹墊角巾莫漫耽吟坐詩  
瘦願公珍重薜蘿身

婁江道中

冥濛雲水去何之如練澄江放棹遲花信漸闌風陣陣春潮欲  
上雨絲絲白蘋香裏聞漁笛綠柳陰中認戍旗此到葑城應畱  
滯杜鵑啼後數歸期

渡吳淞江

雨後春流綠潑醅微茫煙樹畫圖開峭帆十幅橫江去恰似并  
刀快翦來

菜花和韻

離離如罌接平蕪滿眼韶光秀欲無不斷芳塍新罽織依然大

地碎金鋪移將張翰風流句寫入徐熙月令圖正是南鄰春社  
後好攜村酒聽提壺

爛漫青畦露未乾禁煙天氣尚餘寒從教繡壤畱生意可有佳  
名號合歡

嶺南有菜四葉相對夜  
合晝開人呼合歡菜

夾澗水流春漲活杖藜人隔

小橋看南園開處晴光早倚徧高樓百尺欄

點綴南阡北陌中兔葵燕麥共戎戎疎籬寒送桃花雨平野香  
來柳葉風柔柘影斜煙欲暝雞豚村接徑纔通上東門外清明  
近認取陰陰五畝宮

鶯簧漸轉燕梳翎絕愛郊原短策停深樹盡聞泥滑滑高陵恰  
襯麥青青江南二月春如許陌上斜陽路幾經欲息機心師抱  
甕東臯新築小茅亭

喜大兄入翰林柬寄三首

白鶴山房詩卷二

三

冬樹落復榮秋草枯更綠人生遞悲歡迅若車轉轂我兄璠璵  
器磨礪去圭角早年捷京兆蜚聲滿場屋驂駟初驤首闔風佇  
蹠足不謂數年來公車困馳逐蘇卿書十上管子戰三北中復  
慙憂虞煢煢賦我菘雖通閤門籍未受太倉粟辛苦事筆耕閱  
貢食少肉楊鱸期必大于駟竟難卜頗復嘆睽孤天道迷剝復  
豈知南溟運終異迴谿伏藥榜一朝懸劉蕢終見錄寒灰遽然  
鑪暖律欵吹谷失喜看泥金姓名翻誤讀

翰林古內相禁苑推清班史館及祕書分職承金鑾編摩與獻  
納厥任皆鉅艱苟免素位譏一長良已難自從有明來三署合  
一官承明執簡記石渠司王言卿雲史筆工遷固經術殫千秋  
著作業健者寧能全况復寵數殊甄拔逮草菅儒生一釋褐卽  
著鷄鶩冠振步上玉清換骨非金丹

國家嚮儒術意比授子餐班序豈不嚴特爲英賢寬士也際盛時感激生肺肝勉哉潤

皇猷黼黻同爛斑無詡稽古榮陋彼東海桓

城中好廣袖郊外全匹綺江源初濫觴盛或決濛汜嗟此集賢院後學所仰止依景效步趨若脂羣附蟻長楊賦一奏動貴洛陽紙苟或尙馭馱勢必從風靡剽竊益失真輦肩成齟齬文章關世教盛衰豈恒理赤手挽頽波誰作中流砥兄也庭訓承六經樹根祗天人三策對健筆邁楊李所希紹前修勿復論俗耳書林擧榘栝文囿黜鷲雉庶幾樹準繩斯事有正軌儒官無事業食粟蓋已鄙行矣勵丹誠報恩從此始

謁韋蘇州祠

白鶴山房詩鈔卷二

四

霽雨澹輕塵落日坦徐步晚晚遙山陰迢遞城隅路言尋韋公舊修竹夾古宇返景下苔階微風颯庭樹焚香薦幽茗愜此無言趣不覺暮煙深疎鐘起何處

焦山古鼎歌

滄江峽束雲濤空海門古寺朝霞紅何年古鼎躍水出寶氣下燭驚蛟龍雖敦虎彝已莫辨苔斑知自千秋封飛廉蚩尤鏤刻古薑文螺書體勢雄雄文詞渾噩點畫缺口箝欲讀嗟無從古人銘勳告宗廟旂常圭卣同衰崇南中世惠辨名字髮髯猶記平徐戎銘有司徒南中字古仲作中竹垞朱氏定以爲周時器元衣瑊戟大錫命偉哉共武匡王功岐陽石鼓未漸滅此鼎直與爭光隆彼頌君功此臣績中興事業高衡嵩先王盛烈足不朽豈獨古器珍昆銅傳聞分宜昔柄政強肆豪奪歸鈴峯神物那受權貴汚多藏適足貽災

凶流傳數姓不敢受空教位置祇洹宮鐘魚禪版伴法侶差勝  
褻玩藏房櫳風雷書靜颺颺伏空山夜夜騰長虹天畱奇物鎮  
江海此山與鼎俱無窮寄語山靈好呵護無使六丁攝取歸清  
穹

弁山黃龍洞歌

五湖之間多名山峯巒岬嶮藏神姦何來癡龍穴山腹怒飛遂  
使蒼崖穿孤嶂屢屨五千仞深潭乃在青峰巔梯空盤盤行不  
極前踵後頂相躋攀神井垂垂湧雲蓋陰崖灑灑飛寒泉洞旁  
危石聳劍戟似阻人迹窺幽元熊羆蹲伏猛虎立幾時幻化當  
荒巒哈呀一徑見石戶舉足欲進心難前藤刺鉤衣薜花滑失  
勢恐墮千重淵青冥洞視不見底耳畔惟覺風雷喧人言下通  
諸福地武夷林屋堪往還奇聞荒怪不可述開闢應湖鴻濛年

白鶴山房詩卷三

五

或云媧皇昔鍊石鑿取天柱修蒼天山髓一裂不復合神物乃  
得棲蜿蜒又云大禹平水土靈威古穴探奇編剗斲山骨通地  
脈震澤始免狂濤翻崎嶇或經五丁闢幽怪疑自夸娥遷洪鑪  
鼓鞀構靈境杳冥誰得知其端噴雲泄霧會有以良坎一氣相  
周旋遠接靈湫萬峰聳近連天目雙池圓但愁窟宅一朝改風  
濤震盪山傾顛石堂偶坐一憩息談笑直恐驚龍眠急尋歸路  
下絕壁森森綠樹啼清猿

飛來峰

錢塘八月秋山紅有客招我游靈峯飛雲忽然當面起突兀直  
上撐青空細觀松石儼不動始悟山勢堆龍嵒斷崖萬仞不著  
地九天倒挂青芙蓉天梯石梁互鉤帶洞壑面面穿玲瓏乍驚  
墮石欲壓頂旋見峭壁森森當胸螺旋而上出復入蛇行以進西

仍東霞穿日漏恍萬狀虛谷習習來陰風仰觀古木皆百丈瑤  
林玉樹紛蔥蘢蒼山無土石無罅未解造化何由融心驚目眩  
魂恟恍此身疑在迦維宮迷離始識非想天恍忽莫証無言宗  
尚疑所見皆幻相頃刻變化隨飛龍石間古佛長不語壁間多刻佛像  
誰契慧旨開愚蒙歸棲山寺縱冥索僧壁忽撞闍黎鐘

題太真上馬圖

春風別殿芙蓉花萼樓高冷如水毬場不御玉花驄驪山馳  
道香塵起曉日西清仙仗開黃門飛鞚下蓬萊翠鈿柳葉春顰  
淺金勒桃花雪汗回海棠睡起心情倦怯倚銀鞍尙回盼須臾  
扶上侍兒肩誰道身輕不如燕五家姊妹盡承恩雕輪錦帳如  
雲屯蘭津隊合千花亂繡谷風回一笑喧宮中游幸初無極誰  
知鐵騎來河北香魂零落馬嵬坡玉鐙珠鞭行不得杜陵遺老

白鶴山房詩鈔卷一

六

最悲酸曾見霓旌出上關江頭草合金輿路萬里青驛蜀道難

和人詠竹

檀欒素影自清修玉骨珊珊未許儔暑簟晝侵蒼雪冷曉窗晴  
映綠雲稠敲來梁苑三更月寫盡湘江一片秋我得結茅臨渭  
曲不將千畝易封侯

誰種瑤臺玉萬竿孤根祇合傍巖巒元卿寂寞惟荒徑庾信平  
生自小園日暮伴人真太瘦歲寒憶爾最平安東山廬下曾還  
往記得雲泉杖策看

夜渡鶯脰湖

平湖夜靜櫓聲閒一路蘆花葦葉間重露滴船涼勝雨暝雲壓  
岸遠疑山林深鷺埃亭亭出潮落漁燈渺渺還太息游蹤何日  
定鄉關小住且開顏



茗溪道中

煙靜廣川平寒流百里程水光吞月小霜氣逼星明浦樹參差影吳歌斷續聲羈人正無寐淒絕此宵征

冬夜

遙夜鐘聲歇上方廣庭寒色轉蒼蒼驚鳥起樹月如水獨雁叫雲天欲霜香壓梅窗知歲晚冰生蓮漏覺夏長良宵仰屋成何事鬻徧東鄰破壁光

行路難爲沈子

昌培作

行路難不難於蜀山之巔太行脊書生胸臆逞不得男兒老大猶饑寒清貧兩世守一官魚生甑釜塵生瓊擗腸文字五千卷當食不足充朝餐公車府中挂名字反令奔走勞征鞍躬耕無田出無馬天涯長缺將誰彈沈侯沈侯爾莫悲且歎爾旣不能

白鶴山房詩鈔卷二

七

曳裾上侯門飽杯炙爾又不能持籌入都市驅肥堅法當憔悴茅屋底捉衿決踵無人憐仕途天梯不可攀五陵車蓋徒喧闐縱復青松之交白水侶翟門雀散皆雲煙勸君忼慨休煩冤窮途慟哭何爲然相如賣賦四壁懸先生待詔雙履穿東方九尺之軀不博一囊粟子雲寂寞南山邊古來傑士未有不如此願君勿羨青銅錢長咨嗟行路難

煙雨樓四絕句

朱闌面面繞菰蒲銀闕三山境有無湖月林風都占卻底須潑墨寫模糊

吳波不動越天長荷澈菱洲望渺茫莫倚闌干吹玉笛驚他三十六鴛鴦

明鏡光中碧四圍疎林極浦見漁磯青霄一點盤空影知是誰

家放鶴歸

百步橋南夕  
照明落帆亭  
外晚潮生空江  
日暮蘋風起  
吹斷吳船水調聲

奉贈沈觀察

啓震丈

喬松無屈盤  
蒼筠有孤挺  
蔚然歲寒姿  
特立謝凡穎  
我公梁棟器  
早歲風骨整  
貢爲天府珍  
清廟薦圭珽  
樞庭典外制  
下筆輕說頰  
遂邀上相知  
點檄借薇省  
奇才遇事見  
霜鶴秋逾猛  
幾紙愈風文  
鄒齊豁妖肯  
從此簡

帝心勲猷日  
彪炳西曹筆  
司東國憲節  
秉濟河維  
兗州漕路達  
吳郢蕩析  
感斯民田廬  
穴蛙黽公也  
殫丹誠胼胝  
先萬井宣房  
竹箭塞谷口  
波濤靖海陵  
百萬粟雲帆  
得無梗功高  
節愈厲私室  
絕造請惟時  
先大夫臬府  
霜威迴芝蘭  
接素心冰蘂  
矢金

白鶴山房詩卷二

八

影中流兩砥柱  
衆醉偏獨醒  
至今誦清標  
秋水照耿耿  
公實濟世才  
僂指踐台鼎  
江河資作楫  
蒼生久引領  
豈識賢達人  
止足戒馳騁  
偶然霜露嬰  
遽返吳江艇  
東山採杞菊  
南湖腰笭箬  
脫冠臥林壑  
此樂洵難並  
回首傷吾翁  
騎鯨隔雲溟  
不然成二老  
共煮故山茗  
念此情鬱陶  
涕泗每交併  
惟公懷舊心  
不棄葛衣冷  
絲蘿締近歡  
脫畧忘夷等

公女許字家大兄幼子

紀羣交兩世  
風義薄

夫憬賤子屬  
飄蓬麻溪拏  
舫艤披霧見  
彥輔後學亦  
何幸清酒爲我酌  
芳肴爲我飴  
溫語若春風  
四座寒威屏  
卻顧駑鈍軀  
身世等畫餅  
刻楮徒自矜  
抱璞誰見省  
何當終從公  
芒鞋踏煙嶺  
斗山典型在  
望望江路永  
感激成長謠  
扈詞愧清警

上元夜翫月作

金波灩灩欲生潮  
桂魄團圓變第一  
宵九闕寒光飛  
雪練六街人

影踏瓊瑤花明珠箔燈初上夢入冰壺酒易消爲問碧虛何處  
所半空笙鶴彩雲飄

新年口占

飲罷屠蘇歲又增空齋還伴短檠燈梅花破凍剛吹雪蘭葉翻  
風已泮冰鼎鼎百年真過鳥冥冥萬里未驚鵬此身自笑蕭閒  
甚夢繞西山月挂藤

簾鉤四首

珠箔光搖繡戶閒曲瓊懸處正當關玳筵酒煖珊瑚挂綺閣香  
消翡翠攀十里揚州花半捲一重吳苑月初彎紅閨寂寞方愁  
絕手縮蝦鬚待燕還

消息瓊幃阻蹇修銀環一寸總關愁擡將秋水堆珠網

湘簾欲捲擡秋

水唐無名氏句釣起春情滿畫樓藉爾句畱容著眼爲誰凝望未回頭

白鶴山房詩鈔卷二

九

章江江上憑高眺絡索聲中暮雨收

依約妝臺好見尋錦絨搖漾畫屏深風迴聽曼玲瓏玉月射同  
明了烏金影落方池魚定怯閒敲書檻鷺初沈虛窗正展瑤牋  
碧新樣憑將蠹尾臨

只合垂垂傍綺寮芙蓉閣暖鎖春宵探來可許藏紅袖行去生  
憎礙翠翹漢殿人披金屋曙隋宮夢斷彩樓遙麟臺約處重臺  
曉青鳥書回子細邀

春日泛舟橫塘

琉璃波滑淨涵蘋畫舫沿河畫板新十里桃花林外鳥一堤芳  
草水邊人春風和似揮紈扇斜日烘宜岸葛巾欲撥湘絃吟古  
曲綠蛾青鬢總成塵

毘山舟中

寒雲渺渺樹層層  
岸風來野色澄  
閒殺吾師舟一葉  
浪花如雪放魚鷹

姑蘇口號

闔閩舊業故依然  
風物江城勝事偏  
遠岫晴開行藥徑  
小園春盎養花天  
珠簾畫舫橋三百  
翠管紅樓酒十千  
我獨閒吟懷甫里  
五湖穩放散人船

呈錢竹汀少詹

長離耿炎霄  
威鳳棲高梧  
爲儀賁五色  
振彩輝天衢  
我公嚴徐侶  
早值承明廬  
石渠探祕簡  
青宮總羣儒  
炳炳何煌煌  
英辭儷瓊瑤  
明堂清廟作用以襄

皇謨偉哉華國才來者誰能踰

明哲貴遺榮  
達人戒止足  
自憶季鷹尊  
遂采淵明菊  
嚙城佳麗

白鶴山房詩鈔卷三

十

地窈窕富林谷  
綠渚任浮鷗  
青皋或驅犢  
蕭然雲水外  
焉用慕華轂  
回首長安塵  
冠蓋競馳逐  
茅屋話金鑿  
此樂先生獨

經訓道義海  
百籍紛包含  
匡劉旣不作  
奧旨誰爲探  
先生勤嗜古  
矻矻性所耽  
摹畫周孔心  
支拄楊墨談  
餘事爲網羅  
金薤搜

琅函偶然灑  
翰墨足使斯  
豈慙豈獨擅  
詞章隻字珍  
三緘

稽古重儒術  
術絳帳隆師  
資鹿洞及鷺  
湖前賢懋遺  
規三吳絃誦藪  
風教視轉移  
所惜虛車崇  
能使實行衰  
自公敷化雨  
陶冶皆

英奇鄭公北海濱  
卜子西河湄  
千秋鄒魯傳  
斯文乃在茲

昔者先君子  
早歲振雲翻  
同時鷓鷯侶  
一一鷓鷯擊  
荏苒四十年  
雙丸幾盈昃  
舊雨復何人  
晨星燦空碧  
先生獨健在  
歲晚餘蒼柏  
金石素情敦  
斗山崇望式  
通門愧凡器  
牀下拜新息

杜鵑花和韻

棟花風後麥秋天萬朵細苞趁曉鮮望帝愁魂工幻化東皇餘  
豔付嬋娟三春寶殿紅氍展二等金缸火齊然紫藥將闌榴未  
放讓他旖旎畫欄前

暖房故事記春宵合種昭陽伴阿嬌丹頰痕深妝未卸朱顏暈  
重酒難消羅巾滿貯靈芸淚玉翦輕裁侍女綃一自鶴林神去  
後紅裳誰復覩仙標

鴝鳩聲中花事稀一枝聊與絆芳暉繁英此後春誰主碧草年  
時客未歸寒食清明香徧野南山秦嶺錦成圍蕭齋待爾添幽  
豔莫遣深紅故故飛

臨安詠古

甌閩左控右通吳瀛海東南此奧區白塔紅亭山水窟黃旗紫  
蓋帝王都江湖萬古流塵劫花柳三春入畫圖最是前賢遺澤

白鶴山房詩鈔卷二

七

永兩堤六井未荒蕪

浙江

誰倒銀潢注地迴怒濤終古越山隈神功尙想黃龍渡霸氣還  
驚白馬來雲樹不分胥母口風帆直下子陵臺樟亭回首增蕭  
瑟萬弩雄姿安在哉

疝疾排悶

百病隨所嬰惟瘡患實酷支離牀蓐間輾轉異寒燠晨興繭可  
襲亭午冰欲握淒風戰齒牙熱惱鬱骨肉羶廬無六月裸壤常  
三伏而我彈指頃異境徧馳逐來如潮有信去若雲解駁驟驟  
風雨橫機幻鬼神速形神困掀簸血脈訝淫濯傳聞不才子乃  
是高陽族投荒志未悛復此肆厲毒生慙壯夫稟忽召一鬼辱  
桓公像未寫杜老句難續何術懾游魂萬里歸度朔更闌方就

枕恍忽若有矚夢見一丈夫睢盱行詰曲莞然笑謂余病理君未燭人生天地內膏火自薰熇奔營忘冬夏歡晏廢昏旭高堂寒熱媒甘食鳩菹蓄六淫旣外煽五欲復內剝所以一身中陰陽互凌觸况今迫科詔矢志在榮祿得意寒灰燃失路春叢禿熱腸與冷念往復劇轉轂子胡不自咎勝敗祛六鑿心旌苟無擾衆珍安敢瀆察毫不見睫無乃自躋跼言已再拜辭令我慙且慙身今實有之內顧苦迷翥瞑眩幸見戒敢冀无妄福明當謝和扁不用延巫祝默坐斷諸緣清涼生耳目

紹興石經

蜀鵲夜叫津橋月千秋汴水繁華歇太清樓圯玉軸灰一夜奎光照吳越光堯天子睿聖姿藝事深宮誇獨絕手詔人閒重恤刑御屏殿內書無逸更憑翰墨表遺經八十七碑森寶札鴻都

白鶴山房詩鈔卷一

七

三體久茫昧筆力鑪錘起前哲淹中孔壁審篇章漆簡蟲書羅卷帙九經得七本非全鄭重塵編光御筆當時珍貴世莫比傑閣高度球圖匹天章雲漢煥膠庠縹組青袍競填咽豈知白雁忽南飛槐市還爲戎馬窟剖擊雖免壘塔禍零落終同白窠缺

石鼓第十鼓平面鑿大孔卽昌黎所謂白科也見

御題曰窠石鼓詩跋

賢哉吳宋兩直指先後

摩挲歸石室深簷大厦蓋覆牢從此不愁風雨裂榻來訪古獨躊躇六百餘年飛電瞥卻念東京全盛時儒術昌明海宇一開成百卷拓全碑太學兩體樹新碣煌煌盛典足不朽安用遺文勤補綴一從中原貔虎亂荆棘銅駝嘆倉卒廟廊至寶鼎呂珍空向市闔尋礎磧流傳幸爾獨未刳翠版銀鉤猶故物鳳毛虬甲不世見俯仰滄桑餘激烈方今

聖世慶同文璧沼周環貞石列麟書虹玉光照耀萬古岐陽石

壽埒偏安遺跡安足言願詠

皇規燦雲日

泛舟城南

秋盡寒原落木稀輕帆溶漾信斜暉已無荷蓋擎前浦尚有菱  
絲罾釣磯白水欲呼鷗共語碧雲時與雁俱飛城南便是煙波  
窟魚鳥心情肯暫違

送直夫兄櫬車歸里哭賦三首

浮雲蔽重岑朔風凍寒澤泣盡不成聲轎車臨廣陌與君爲兄  
弟蛩駉理無隔黎粟少嬉娛丹黃共几席自君疢疾嬰歡笑頗  
闐寂誰謂竟摧頽青山委遺魄昔爲同根花今作孤去翮一聽  
薤露歌中腸萬慮積

有生孰無盡霜葉日夜凋悲君方盛年蜉蝣不崇朝青閨慟發

白鶴山房詩卷二

三

影孤鐙暗長宵身無一壠遺何以禦漂搖諸雛牽我衣爛漫玉  
雪嬌未識君存亡索耶爭號咷揮涕不能語舍之卽征橈慘淡  
青楓林羈魂不可招

今古貉一邱歲月駒四足弁陽接金井名山真宅枕寒麓堂封古

有禮士葬三月速傷哉力未逮塗肆尙緣俗東岡有巍隴先子  
泉窆卜魂去倘相依先余慰我蓼松泉水鳴咽巖氣下塹黷回  
首一悲辛馬鬣何時築

題朱蔬坪太史品茶圖

玉川桑苧不復生塼鱸瓦鈹誰知名雪花雨腳春露英著錄始  
自蔡與丁春風入簾春晝清石鼎初作蒼蠅鳴活火緩火恣品  
評一水兩水爭輸贏蒲團曲几書傳橫颺颺度盡松風聲一甌  
當案花乳輕攬衣我欲游方瀛先生昔年侍承明揆天鴻藻世

所驚頭網八餅分紫庭渴飲豈待思金莖一朝辭榮謝院鈴蒼  
山碧澗隨經行顧渚水綠官焙馨金沙泉味如中冷籠頭紗帽  
手自烹眠雲跂石真忘形朱門擾擾梁肉腥有味誰復識涇涇  
羨公超然斷世營我亦人間號獨醒十年渴夢江湖榮安得從  
公棲林扃月團一片百慮冥不願腰眼圍萬釘

送家仲兄之官福建

兄以大挑知縣  
籤發福建試用

十載馳驅蜀道難新除墨綬換儒冠莫從省署看流輩要信詩  
書在此官襦袴有謠庭訓遠蒯菅不棄

主恩寬折腰強項何須較撫字先教德意殫

王程星急走輕郵故里纔爲信宿留白馬潮迴巖瀨晚綠榕陰  
合劍山秋清霜彫後榮嘉樹驚浪平時任去舟珍重臨歧無別  
語鬱林片石是貽謀

白鶴山房詩鈔卷一

古

謁岳鄂王墓作

和議書成宋帝封小朝廷穩占江東黃龍未抵公休恨畱得冰  
天住兩宮

金牌十二使如雲遂事難言將在軍若使當年真逆命屬鏤先  
已賜吳員

秋日東莊雜詩二十首

鱖鯨溪畔卽滄洲處處鳴榔繫釣舟幾日西風吹落木蛤蜊菰  
葉下塘秋

負郭人家薜荔門門前流水曲通村昨宵雨過添新漲沒到鄰  
家楓樹根

枳籬屈曲小園通誰築東皋半畝宮石竹花青金鳳紫映成著  
色畫屏風



朝來霽色倍澄鮮一幅霜林小景懸渺渺平川寒霧斂碧禾紅  
穗媚涼天

雨後香塍熟玉稔連村盡歇桔槔聲今年八月風潮少只怕重  
陽半日晴

秋色應歸老圃家芳田一稜足生涯綠葵白薤霜風裏不是人  
間頃刻花

招提相對做松扉竹影籬樛野徑微白石橋邊黃葉路晚鐘聲  
裏一僧歸

參差樓閣萬家環林缺分明露遠山一霎前邨煙雨暗紅亭青  
嶂有無間

隔岸家家水榭多畫帆影向曉窗過清溪十里明於鏡一帶紅  
闌漾碧波

白鶴山房詩卷二

五

蘆荻蕭蕭淺水隈隔溪時送雨聲來樓欄葉戰寒塘路記得湖  
船一棹回

匠門東去野煙荒神劍三千已隱鉞日暮豆花棚下過有人沽  
酒說干將匠地近

當年詩老擅清詞南國春風寫折枝芳樹又隨塵劫盡君來何  
處寄相思惠紅豆故居  
今已蕪沒

朝真高閣鬱岩巖此地由來接絳霄金簡綠章初奏罷似聞空  
外駐雲輶文星閣在莊  
北高出雲表

林端古剎隔雲窗寶相輪空湧法幢偶過秋原回首望認成螺  
髻影雙雙雙塔寺  
在莊西

彩舫競指白公隄歸到橫塘烏欲棲一闕洞簫聲未徹月華已  
渡女牆西

胥江江水繞城隅千里雲帆轉舳艫夜半扣舷歌欸乃喚回清  
夢落三湖

松陵官路接吳興小市魚蝦渡口燈侵曉販鮮船到岸津頭先  
聽鼓登登

百尺高酣舊有亭年年叢桂吐幽馨賜莊花石今無主贏得人

呼御史廳

余所居爲前  
明顧氏別業

寂寥惟有子雲居老屋青鐙晝不如濁酒一尊書萬卷滿階梧

葉月明初

滄浪亭子百花潭未及幽居此地堪記取秋光奇絕處斷雲疎

樹葑田南

白鶴山房詩鈔卷三

歸安葉紹本仁甫

古今體詩八十首

晚步東臯田野間卽景有作

秋郊木落天宇空  
高林颯颯鳴悲風  
平時碧綠四交翳  
決眼頓拓場千弓  
黃雲收後麥未長  
南陌東畦望如掌  
老晴十日野煙消  
惟有斜陽映蒼莽  
披香殿上紅氍毹  
何人展向平田鋪  
柘杖舞罷捲未盡  
堆疊高下半有無  
胭脂一抹當窗壁  
恰與人家作簾額  
玲瓏萬樹盡珊瑚  
不獨霜林紛紫赤  
寒雲滅沒掩遙山高  
原時見鴉飛還卻尋  
歸路踏黃葉昏鐘已動城  
南天石田茅屋滄江隱  
似此城居儘清遠  
憑誰喚起李營邱  
乞與吳綃添粉本  
小樂府二十首和大兄集中韻

白鶴山房詩鈔卷三

囉嘖曲

卽向江陵去扁舟望不來  
多情江上水夜夜暮潮回

烏夜啼

門外梧桐樹驚烏不住啼  
風高枝未穩何處是君棲

擣衣曲

卽去擣鞦韆域嚴風襲客裳  
中原絲絮薄未必耐秋霜

伊州曲

蕭瑟黃榆晚淒涼  
白草秋邊城笳吹急  
八月戍伊州

照鏡詞

一照盤龍影空閨  
轉自驚淺深眉黛  
樣憐爾最分明

石城樂

煙冷莫愁湖潮落清溪曲  
江南諸女兒猶道石城樂

大隄曲

郎住魚梁洲妾住桃林岸陽春三月時與郎一相見

懊懣歌

昔年連理樹今日斷腸枝花落君方惜花開君不知

映水曲

織影憑誰惜臨流整素襟清溪如見底還爲照人心

估客樂

上客荊州賈金多不憶家大隄歌舞罷江月半樓斜

黃驄曲

寶鞍鏤衢鞍星馳北道寒自從埋駿骨不復渡桑乾

長干曲

妾家長千里生小長干住昨夜夢巴陵識得巴陵路

白鶴山房詩鈔卷三

二

婕妤怨

輦路青苔合深宮白露滋西風無賴甚只近玉階吹

塞上曲

白骨橫沙磧孤軍轉戰還玉關休便入夏下浚稽山

采蓮曲

吳娃十五六采蓮南塘畔蓮葉覆儂身蓮花映儂面

羽林郎

長安銳頭兒身騎五花馬夜夜翠樓中朝朝銀闕下

鳳將雛

丹穴將雛處垂垂竹實肥春來毛羽長更向鳳臺飛

陌上桑

陌上青裙女提筐行踏莎桑田多曉露五馬莫來過

子夜歌

朱絃彈素手宛轉不離絲覆卻文桑局與君何處碁

上田花

惆悵江南樹年年離別中春花不解事偏作故園紅

久不得二兄閩中消息

早聞乘傳下同安復道牽絲過劍灘信使迢迢迷遠道衣冠袞  
袞困微官年饑未接青黃米俗傲猶探赤白丸莫便臨風嘆鞅  
掌從來盤錯試艱難

明史八咏

劉青田

寶劍歌成幣聘隆幡然三顧大名同風雲早識興王氣帶礪仍  
收上將功吳漢爭能工擇木胡藍獄早鑿藏弓鷹揚偉略丹書

白鶴山房詩卷二

三

在莫把陰符謗太公

姚少師

曾演迦維火宅車空教浩劫徧恒沙飛龍自合從風雨文皇起  
事時大

飛龍在天從以風雨屋墮將易黃也病虎何煩厲爪牙潮打南

都冤未滅詩題北固計原差大師亦有西山墓恨殺羣鳥早晚

于忠肅

邊塵倉卒朔煙昏赤手能扶輦極翻不是團營開北府誰令黃  
屋返中原饋牢未賞飴甥策脫憤空悲道濟冤惟有錢唐江上  
水靈濤千古傍忠魂

王文成

清修偉績兩巍然一代名儒孰比肩擴四端非瞿氏學文成致  
良知之

說與孟子擴四端意相發明後人詆爲禪學過矣

行三軍自孔門傳龍場教思畱荒裔

### 夏貴溪

蟬帶三褫寵已移憐君甘自蹈傾危飛魚服早承恩重香葉冠  
終作禍基諫苑千言嗟進驟潞河一棹恨歸遲傷心東市朝衣  
日草土何由乞聖慈

言罷相家居時有司稍慢易之言上表乞憐自稱草土臣

### 徐華亭

直廬榜語表孤蹤廿載黃扉著靖共導主每能移喜怒鋤奸曾  
不假聲容早年朝宁瞻梁棟老去江湖樂非菘嘆息擠排成底  
事幾人安穩食堂封

### 高新鄭

濟時才略本無倫傾軋相尋笑積薪屋帶不教酬夙望驟車何

白鶴山房詩鈔卷三

四

事逐元臣幾曾東閣呼孩子空羨南充是哲人最惜秉鈞多實  
政千秋功過要存真

### 張江陵

力肩重任見清強寵利居功事可傷經國才高輕百辟熱天焰  
熱藉中璫會門難繼周公志驂乘徒貽霍氏殃自古純臣崇內  
行恨君開口說非常

居正奪情時上疏稱天下非常之人始可以辦非常之事

### 年糕十六韻

餐粉傳佳味新年節物稱實邊遺製古饋歲食單徵葦茨剛懸  
戶香秬早刈脞碾來瓊屑潔和就石霜澂灑灑花酥點浮浮翠  
釜蒸白疑肪乍截黃比蠟初凝釘盒廚娘巧揮刀饗子能玉珪  
呈邸射金版削觚稜肖象朱提似糕模形紫貝矜

糕圓而脗者名龜板糕

擔當三市賣盤共五辛登熟薦先宗祏分貽逮友朋寶階餐並

飽瑤餌啖全勝兆想千倉溢名誇百事增令節食糕取百事皆高之意見歲時記  
飴簫方嬈嬈蜡鼓正齶齶嘗記元宵又題思九日曾椒觴同進  
處時序感飛騰

春餅十六韻

說餅何時最東風乍解嚴重羅飛屑淨十裂映紋纖薄愛瓊肌

展輕宜玉糝黏光瑩盈尺璧圓漾一規蟾香餡蓮花改嘉肴藿

葉添贈名見注疏捻頭同細捲妙手任頻拈製異蒸熬辨蒸餅嘗欣

膾食兼琅蕙加或可大肉截猶嫌珍重春筵饌芬馨小市帘鈔

書容果腹讀書恐污練力本緣春爨功還佐釜鬻虛名慙啖地

卓識愧知鹽柑酒芳傳座桃符彩照檐味偕生菜薦恩想御庖

霑明申時行有立春日賜百官春餅詩束哲文難述何曾樣未忤寒宵矜索句憑

禿鼠鬚尖

白鶴山房藏卷三

五

表忠觀落成詩以紀事

唐室凌夷日羣雄競擾攘紇干愁雀凍天目兆龍翔石鏡英姿  
奮金戈霸氣揚滅劉除貳負誅董落櫓鐵券當年錫丹書奕  
葉光錦衣封樹燦犀弩射潮强塔湧山巔白花開陌上香五朝  
俱帶礪四世儼圭璋涿水真人起陳橋大業昌寶融先納土臧  
氏遽歸防保障功原茂謳歌德詎忘棠還思仰伯廟合祀桐鄉  
鉅筆坡公碣忠言越國章殊恩崇俎豆後嗣肅蒸嘗陵谷嗟頻  
易祠官守漸荒碧苔侵玉座蒼鼠竄雕梁黝堊工誰舉屏藩澤  
孔長庀材羅杞梓考室飭輿瑤疋螭頭刻焚燎烏翼張靈旗  
飄冉冉芭舞振洋洋盛想三都節威留一劍霜椒漿爭酌學懷  
古獨徬徨

以拙藁呈錢竹汀先生猥蒙點定詩以誌謝

箏笛競新音瓦釜鳴俗調不逢夔曠聰焉識至樂妙走也實不  
才東髮事吟嘯苦語逾寒號動爲世所譙先生今大匠詩窟窮  
奧突惠然不我棄激賞到藜藿蠅頭百篇字一一法眼照圭璋  
審字理壺矢辨枉峭衰同華袞膺貶亦鍼石療感茲汲引心令  
我肝腸繞緬維風雅初首貴天骨峭大家典型在中閱非外耀  
奈何後世人紛紛工耳剽劉元活脫塑優孟貌言肖蒙馬皮非  
眞畫龍尾難掉徒取糟粕餘輾轉資羅糶其或矯其偏涉筆卽  
輕窵搔首弄殊姿拊掌博長笑製衣貴偏袷擊管取篴箛但誇  
辨無礙焉識詞尙要二途爭勝負迭出互騰趙堂堂文陣帥誰  
實號票姚惟公崇正始日月息羣燭坦途指康莊歧路戒翫獻  
後學曠發蒙若聽雞人踞嗟余亦何幸親奉南車詔誓將拔鯨  
牙不復號蚘竅導河溯崑崙觀海踰嶺嶠前脩苟可追寡昧期

白鶴山房影卷三

六

自劭勿虧一簣功庶奉三章約

庭前山茶一本大幾合抱相傳前明顧侍御所植今二百

餘年矣花時頗盛爰爲作歌

巖陰東地風吹沙物始太素無鉛華天公亦厭冰雪冷下遣姮  
女調丹砂白鶴堂中古茶樹枝格筏駝根槎枒三旬孕花一日  
放舉眼但見紅雲遮倚檐千堆耀繁錦壓檻一簇凌晨霞我疑  
西京元會夜金羊青玉爭豪奢又疑誤入曾成居珊瑚火齊光  
紛拏朱旗搖曳井陘仄絳袖繚繞驪山斜終朝坐我綺幕下安  
用步障裁紅紗奇姿老幹誰所植舊事尙憶蘭臺家驄馬歸來  
起閉館菟裘築後羅名葩珠履朝盈覆下客翠帷暮捲吳宮娃  
盛衰興廢一彈指荒亭曲榭棲寒鴉此花淪落獨何幸斤斧不  
遺甕童加雕闌昔伴大夫樹茅屋今號幽人花百年喬木久始



大當時所見纔蘖芽平泉草木細疏記勝地竟爲何人誇花如  
有知應大笑舉酒且進雙銀槎

皇王西莊閣學

等身著作等身書真有心期到古初遠性自儕珠樹鶴高情早  
釣練江魚西崑詩格花爭麗北海經帷草不除一道清溪門兩  
版何人知是侍郎居

江亭長日靜朝暉談屑親承玉塵揮履道池邊居士老山陽笛  
裏故人稀蒙詢及先大夫晚年事及外大父李鶴峯先生後人中郎餘慶慙齋曰任昉諸  
孤嘆葛衣謬辱先生相拔拭五湖身事已全非

題鞞川圖

飛雲有岑川有瀆仕不田園那歸宿菟裘終老念誰無幾輩逍  
遙得真樂右丞工畫兼工詩下筆溪壑生春姿何年結搆得斯

白鶴山房詩卷三

七

壤詩情畫態搜無遺華子岡連竹里館綠戶紅窗傍晴嘯南園  
露下稻香秋東谷雲歸樵唱晚霓裳譜成四海翻此間正可忘  
朝昏挂冠神武惜不遂松筠空鎖餘荒村盧龍賊騎充京國客  
子傷心賦凝碧可憐家世本桃源躑躅風塵歸不得粉素飄零  
知幾秋澗花山鳥爲君愁世人但解話閒適誰知中有羈離憂  
嗚呼人生福地本難保大抵知幾須及早終南捷徑復何人千  
古山靈慙小草

南峰寺

丹崖下渴日虛谷迴冷風言尋支公居半嶺聞疎鐘梯空上巉  
絕雲木何蔥蘢鐵鳳湧巖嵌遂得祇林宮馬去澗自流鶴歸亭  
已空惟餘石室影千載莓苔封蕩蕩蔚藍天蠹蠹蓮花峰逸響  
合四山經聲雜濤松至人本寂滅海淨天無容胡爲此山間處

處畱遺蹤我來叩礪戶花雨飛輕紅出門路已迷回首煙巒重

寒山

寒山幾何高倚天猶石色萬壑積層陰亭午日已昃行行步危  
磴巖氣衣袂逼歛見翠岬開朱薨藏窮劣雲生縹幕青霞渲華  
桷滌洞壁根虛無松篁皆倒植獨愛乳竇泉涓滴苔城餘流  
瀉石甃風漾匹練直吾聞帝臺漿一飲生羽翼茲水何清冷萬  
古流不息金花倘易長石髓行可食願從列仙癯宅此清涼國

天平山

連峯東南趨孤嶂西北赴望望天平山初疑若無路巖迴徑忽  
轉突兀靈宇露古木鬱蒼蒼屹然百雉護魏公祠何許石梁水  
痕互直上益屨屨四壁起寒霧雞籠儼左峙臥龍宛右顧怪石  
何槎牙奇魔攫人怒僧廬翠微側活火試茶具清磬時一聲山

白鶴山房藏卷三

八

禽啼不住沈吟屬沸泉徒倚屈蟠樹飛霞落客衣下嶺日已暮

贈王夢樓太守

文治八首

五馬歸來竟掩關白鬚紅帶識容顏卅年夢隔南薰殿四海名  
高北固山靖節心期依佛社華陽位業証仙班衣冠邱壑難兼  
取好是先生早賦閒

鯨力摩空寡鶴鳴如公始合到蓬瀛紫花賜坐玉承旨紅燭攤  
書宋子京嘉祐格更文復古元和德盛頌垂聲領髭袞袞巍科  
摘幾輩人間憶姓名

經幄方看用孝公朱轡旋去洱河東詞臣唐宋居朝少文字韓  
蘇過嶺工綾緞濡毫花入夢鐵衣磨盾肘生風光芒一樣凌雲  
筆翔鳳何須老禁中

青鞋布襪寄情深歷數游蹤過向禽叱馭路曾經鹿石傳詩身

自到雞林

先生少時曾借冊使至琉球

洲邊楊葉樊山棹笛裏梅花隴坂吟

最是風流邁陶峴江湖人識水仙琴

先生曾之楚又家有樂部出行每自隨

象管清仍寶瑟和輞川佳句法如何冷冷秋籟聲徐引藹藹春

雲態最多山寺籠紗題海日旗亭賭酒唱黃河同時大敵爭麴

壘誰識將軍獨雅歌

薑芽墨妙有真傳寶晉齋頭米老顛錦罽裝來賤九萬衲碑書

秃管三千鏡花潭月空中影海鷗雲鴻象外天認取神光離合

處田夫叉手果非妍

一卷維摩伴日斜化人閱世似恒沙身離蟬冕原邱井句湧源

泉卽妙華慧業應成臺般若定心任試咒登伽鈍根我愧塵勞

縛那得同憑五行車

歲歲星文望斗杓披雲日下快今朝人來程座剛春月花落吳

白鶴山房詩錄卷三

九

江又暮潮珠玉投懷談屑墮蛟螭倚壁墨光搖崇書楹帖枯桐怕值

箏琶耳敢說知音已半焦

書寄大兄書後

驚鴻不作行已散難復聚惟有懷侶心飛鳴自相顧憶吾前年

秋送君江之湄臨歧強相慰後會非無期相期徒繼繼歲月三

年遠燕山道路艱欲往羽翮短昨夜曾見君斑毛垂領巾相逢

雜悲喜絮語何頻仍豐盈犀角兒一一顏色好問我來何攜牽

衣競圍繞覺來知是夢淚落匡牀中銀燈吐幽燄猶作京華紅

京華隔北斗天末徒搔首不識別來容真如夢中否似夢復何

如空悲年運徂呼童緘素紙一爲諭離居

謁范文正公祠

羣山寵崧抱危石灌木蔥蔥煙靄積雲旗翻處認靈宮下馬入

門森動魄憶少年負奇尙憂樂身關天下責山中蠶粥莘渭  
心胸裏甲兵管葛策晚登政府荷殊遇十事煌煌資孽畫裁抑  
僥倖課兵農口苦知由寸心赤宋之失政在水懦如疾諱醫日  
庭瘠扶羸起痿在憂張豈慮規模異今昔後來拗相亦鑒此誤  
以妄庸司國脈道德一變爲刑名百載金甌竟崩圻公言若使  
早見用鼎鉉功成誰敢革勵忠勤乃厄蠅蚊治亂機關吁可惜  
公德真宜百世師公祀何止千世澤寒泉一酌心徬徨日暮神  
鴉啼老柏

晚晴卽日

霽煙消盡見斜曛極目長空似錦文紺碧縹黃看不盡一重天  
間一重雲

晴雲生處雨雲歸林缺分明露翠微今日山靈裝束好綠螺髻

髻紫霞衣

柳湖

清冷之淵不可見大塊塵土空溟濛我從婁江指團泖人世頓  
有玻璃宮滄波茫茫一萬頃圓影四益惟高穹洪濤噴飲蛟蜃  
沒勢與笠澤爭雌雄有時風平纖纒息白日不動雲行空潛鱗  
上窺鳥影落皎若一鏡磨青銅金芙蓉忽植水底明滅知是湖  
邊峯櫺聲乍入碧煙去中流隱隱潮音鐘彈丸天體本一氣只  
有坤軸橫其中盡穿平地作巨浸此水疑與銀河通平生奇志  
在江海誓騎赤鯉鞭凝龍珊瑚釣竿倘可把便欲從此朝闈風  
一聲長嘯拍銅斗孤鶴忽掠船舫東

淞江道中

江晚歸舟疾風帆半整斜鴨頭浮碧漲魚尾落紅霞棹轉山移

影潮來岸沒沙蘊鱸猶此地懷古一咨嗟

夜發松陵

打槩松陵路濛濛夜氣微遠村孤犬吠野水亂螢飛夾岸蘆三尺遮橋柳十圍煙波行處好欲問釣魚磯

渡澱山湖書事

如山浪打蒼厓破半日孤篷悶無那開帆亟趁風色低一葉瓜皮春復簸澱湖團團二百里望極蒼茫迷戍邏琉璃汗漫宿雨餘方喜全無點塵浣行行忽入元冥國眼色蒼然半空墮似風非風濤非濤耳畔隆隆聲轉磨晦茫咫尺頓無見驚起船窗捫燭坐前穿蘆渚歛空明方悟溪雲遮艇過江鄉五月正蒸溼天澤氣交通噓呵化工元機誰復見漏洩徒因水勢大茲行奇絕行未有或恐下觸蛟龍臥維舟斷港心始平記取斯水不可唾

卽景二絕

白鶴山房詩鈔卷三

十一

人家三五映迴塘白板雙扉白石牆楊柳渡頭千萬樹絲絲都帶水風涼

叢叢古岸覆寒杉愛向溪橋卸布帆橋上濃陰橋下水綠光侵透白蕉衫

贈李松雲太守

青蓮才調本無雙仙吏而今說此邦紫馬江南棠徧植丹毫天上鼎曾扛蘭亭唱入鄉園夢河水歌賡樂府腔可是詩情消未得閉居又泛女湖艤君守江寧日開莫愁湖爲一時佳話今又僑寓吳門故有第六句及此聯

當年二老盡風流窟窟攀桂樹秋我愧鷓鴣雛君驥子今欣鳳舉昔鶯求故人萬里懷希範謂邱芷房太守與君至交余姊之夫也舊句聯珠憶

竇牟家伯氏琴柯詩爲君所稱好合槐榆共談笑樗材久乏匠門收

書雨

奇雲如城忽東起截斷餘霞半天紫須臾便作黑山頽白日渾  
不辨尺咫龍公號令何神速百萬旌旗歛來指雨師初到已蓄  
怒突騎先驅羽林子迴軍再合陣始嚴銳卒陷堅不旋趾白楛  
亂擊潼關軍鐵弩齊射馬陵壘豐隆如礮電如烽助以風威益  
披靡呼聲動地屋瓦飛鉅鹿城邊昆陽市我聞

王師南討賊中黃伏飛皆虎兕偏師直擣槃瓠墟想像軍鋒亦  
如此方今

階平四時正鼠子劍鏑何足齒白狼計日奏鏡歌此雨真當甲  
兵洗

松江留柬祝止堂先生

今日平原里當時北海鄉鱣堂新化雨烏府舊清霜幸隔三江

烏鵲山房詩錄卷三

七

近何辭一葦杭授餐兼問字昕夕意難忘

天與扶輪手騷壇建鳳旂神鋒千灌劍仙骨五銖衣面壁功誰  
及穿楊詣入微才名蘇白大千載有同歸

道在門何峻身閑望夏高丰裁尊夏日然諾重秋毫業已傳緇  
素榮寧羨節旄東華塵十丈袞袞憶同曹

廿載沉冥感狂歌葑水湄嘔心徒自嘆具眼得公知磊落論文  
酒殷勤薦士詩崇惠題拙藁焦桐今綠綺涕淚爲鍾期

悅親樓詩集題辭爲祝止堂先生

公胡不顧萬物驚煙雲入手波濤傾展卷再拜心忤忤千年又  
築詩長城羲和鞭日懸秋清華岳拔地金天晶層潭皓月萬丈  
明冰壺玉璞寒崢嶸冥茫八極窮心兵尻輪神馬空中行忽然  
縹緲吹瑤笙細筋密理不可名篆煙孤裊蛛絲縈旬銀月鍊歸

粹精磨礪浸潤光瑩瑩名章俊語根性情修詞尤必立以誠匠  
人營國水槩平不在藻績誇雕甍遼秦閩蜀驅旆旌神臯奧區  
供品評五丁斧闢雷車轟面目一一廬山呈晚年寸刃斷巨鯨  
朱絃疏越彈韶韻繁音欲廢琶琵琶字下若金鑄成懸之國  
門誰敢夏詩壇牛耳須主盟珠槃玉敦方紛爭儒書盡秉周王  
正鄒魯陳蔡空枝撐霸才偶峙大國荆又苦陵暴疲生氓何況  
餘子猶知郈公詩卓然得正聲臨淮刁斗細柳營斫陣不畏偏  
師櫻合宮爻閭鳴珮珩左言侮食徒僮倅我願此本畱寰羸人  
人狂醉齊解醒飛仙換骨餐瑤瓊高士洗耳游清冷昏衢午夜  
懸長檠後學庶勿昧所程公之服官在史宥蘭臺柏府物望并  
一從神武辭冠纓舉朝共惜閒馬卿豈知公詩炳霄岬扶輿清  
淑畱菁英名山什襲尊且榮視帶九環孰重輕巴人下里猗那

賡淋漓點筆空吁嗟

白鶴山房詩卷三

三

秋日閒居十首

寂寞楊雄宅天涯又早秋  
鳴蟲隨夜急落木向人愁  
轉轂旋難定驚波逝不畱  
端居鎮淒瑟底用話離憂  
極目蕭條意高齋空復情  
雲爲鋪絮影風作碎金聲  
紫燕巢將去蒼鷹翻未成  
盈虛天地理秋士莫頻驚  
習靜觀榮落閉園節序過  
晚花垂實少秋草蔓生多  
豆架黏黃蝶蘆塘聚白鷺  
庭前叢桂樹相對亦婆娑  
江城宿雨餘風物鎮清虛  
衣漬因晴褹簾紋著日疎  
橫琴涼月下開卷夜燈初  
幽意憑人領新詩孰起予  
吾愛吾廬好城居卻似村  
蓬蒿蔣生徑流水仲長園  
紅翠空庭滿丹黃一席尊  
近來塵事屏遮莫雀羅門

東臯接葑川勝地景幽偏碧樹藏紅塔清渠浸綠田鐘聲雲際  
寺菱唱夜深船此地真忘世相畱欲判年

千古英雄地勾吳俗尙豪名園文杏館秋水木蘭舫羅綺今時  
盛干戈異代勞蒼茫懷古意對酒一蕭騷

生理歸書卷琳瑯白滿家別裁如品水綺語當看花鑽紙游蜂  
喻搬薑黠鼠誇百城真我所未羨八騶加

幽人無事業排悶只吟詩草木供驅使風雲入夢思句愁奇氣  
少情爽古人癡他日名山藏何當與爾期

少小存微尙空嗟歲月侵江湖畸士迹蘭杜畢生心雄劍徒開  
匣華纓未上簪從來甘豹隱不用厭山林

得二兄閩中書卻寄

謝池草歇盈階綠黃葉打門風破肉忽然剝啄到空庭知是泉

白鶴山房詩卷三

古

南來急足發函伸紙喜且疑一年溝水分東西丙辰重九前一  
日秃筆猶認官齋題首言心事何堪數自到南中了無補手版  
晨趨大府衙腰輿夕負諸侯弩牽絲偶到金江東叢爾雷封百  
島中蜃氣噓雲晴入市螺帆轉海夜乘風無諸遺俗詩書寡赤  
白丸探藥布社不聞渤海買耕牛但見平林起銅馬鼠牙雀角  
善壽張蠻觸時聞鬪斧斨和郎興師緣藉稻楚吳構怨爲爭桑  
疫氓難恃威刑定乳虎蒼鷹愁不勝星戴空懸單父琴塵生敢  
怨萊蕪餽苦從鞅掌憶歸耕作繭春蠶祇自縈明月千重鴻雁  
影青山一片杜鵑聲就中一事差堪羨荔子飽餐蘭飽看空谷  
佳人十八娘閒來聊作先生伴我聞此語屢咨嗟盤錯從來試  
莫邪鸞鳳那教居枳棘驂騑何意駕鹽車關西家世清風久但  
願循聲達朝右且種龔生一樹榆莫羨陶潛五株柳欲往從之



道路艱天涯霜雪慎加餐譜成益部中和樂好隱雲門大小山  
上王述庵少司寇六十韻

台輔中朝器耆英洛下賢勲名三極上煙水五湖邊紫鳳層霄  
迴蒼松晚節全招弓當早歲投紱正遐年靈壽璇宮賜雲華寶  
笈鐫伏波姿矍鑠謝傅態安便宅啓親仁廣園開獨樂偏細林  
峯匠匠團柳浪洄漩小駟盤伶市中車種秫田人都忘國老公  
已傲神仙衛武賓筵咏東坡海外篇耄齡猶好學皓首益窮研  
摩詰詩疑畫河汾說擬元至音諧律呂妙解棄蹄筌涿郡延盧  
植榮陽事服虔鱸堂時雨渥鹿洞古風宣和璧良工剖般斤大  
匠傳衆才歸樂育多士賴陶甄尙憶彈冠始羣瞻脫穎先應圖  
收虎脊翊運出鳶肩箭聽彤闈漏花明祕省甄彩毫雙管握官  
燭兩行夔温室言原慎蓬萊謫偶然請纓乘絕障叱馭到蠻天

白鶴山房詩卷三

五

關塞金沙遠旌旗玉壘鮮旄頭參上策盾鼻走飛牋陸賈番禺  
返相如楚道旋

主恩從此重華秩一朝遷銘勒龍蛇帛冠高玳瑁蟬棘廷朱綬  
縮柏府繡帷褰陳臬元侯誥于蕃邦伯權甘棠畱右陝銅鼓鎮  
南滇宰相才頻薦周官憲憂懸分曹連斗極執法近蒲筵露潤  
圓扉草星空貫索躡謨還陳

宁依風欲動咳埏偶出持英簞仍歸佐鼎鉉江鄉榮晝繡候吏  
避行旃亮采功誠懋求賢念每專舉劉心鄭重說項意懃拳貯  
籠收芝朮程材錄梓榷暖嘘寒谷黍潤湧涸池泉鉅海流常納  
崇邱壤不捐短轅無綠耳焦木盡朱絃賤子生何晚高山仰最  
堅鴻名欽卓犖免冊愧拘牽韋相經曾授桑生硯欲穿共看書  
類屋詎有筆如椽花樣移坊錦濃妝換翠鈿魚腮徒蹭蹬猿臂

總述道篋少胡威絹囊虛趙壹錢菰蘆行自愧葛練竟誰憐側  
聽龍門廣能教驥尾騫韓歐崇望在崔孔故交聯温語還遙及  
新詩許附編鏡明思顧影刀鈍敢藏鉛拜擬來牀下緣偏恠馬  
前春風何日坐秋水幾回沿負矣康成里懷哉郭泰船知音千  
載感願執旻嬰鞭

題碧梧窗下讀書圖

有序

吳門顧君介石篤於內行少時與兄某奉母家居極家  
庭融洩之樂構碧梧堂昆季讀書其中母兄旣歿君追  
感不已寫此圖以見志不數年君亦旋卒其從子改亭  
以圖示余嘆其至性肫摯有古人之風爲題卷尾而歸  
之

西風瑟瑟吹高梧梧間露落如明珠疎簾棐几萬卷鋪攬衣我

白鶴山房詩卷三

七

欲游方壺是時庭闈歡有餘護草樹背荆花每朝繙內則供茗  
蔬夕誦漆簡譚友于高堂兩兩勤起居大兒鞠膾奉盤盂小兒  
袒韞持城窰長筵羅列旨酒酌願壽阿母期頤踰惠連得句相  
嬉娛落葉袂衣感大蘇三倉七畧同吟唔共期厲志追皇初花  
間月下黃髮扶此樂自謂千秋俱誰知盛衰不須臾庭前碧蔭  
方扶疎無端風木啼驚烏讀書莫讀東漢書姜被已冷荀龍孤  
回頭此景非模糊歛若一夢初遽遽畫師妙手工寫摹意欲火  
急迫云逋終朝展玩腸轆轤春暉那得回枯株櫛縱筭總猶故  
吾轉眼已換滄浪鬚傷今嘆昔歲月徂浮漚起滅事可吁母兮  
兄兮不可呼地下一笑相逢乎小阮支行大阮如卷圖示我淚  
滿襦人生孝友百行樞行尸走肉真凡愚先生至性曾閱徒蘭  
蒿雪白君子儒傳之百世足楷模此圖價重千璫瓊君其永寶

慎勿渝我爲作歌心鬱紆嗚呼高義今人無

白鶴山房詩鈔卷三

七

白鶴山房詩鈔卷三終

